

## Sechs Oster-Predigten:

Über die Wort Christi / Johan. cap. 20. vers. 17.

**I**esus sprach zu Maria Magdalena:  
 Gehe hin zu meinen Brüdern / vnd sage ihnen:  
 Ich fahre auff zu meinem Vatter / vnd zu ewrem  
 Vatter / zu meinem G D T T / vnd zu ewrem  
 G D T T.

Die erste Predigt.

**W**er die Predigerin / so der **HERR**  
 Christus zu seinen Jüngern ab-  
 gesendet / gewesen.

Exordium  
 ex Eccles  
 cap. 3. qui  
 & lachry  
 mas & gau  
 diū suum  
 habere tē-  
 pus ait.

Vbi

Præc' pue  
 de rebus  
 huius se-  
 culi loqui-  
 tur.

**W**ie in Christo : Weinen hatt seine  
 Zeit / lachen hatt seine Zeit / spricht der weise König  
 Salomo Ecclesiast. 3. In welchem Ort er zwar fürnemlich  
 von dem weinen vnd lachen / so im weltlichen Wesen / auß  
 weltlichen Ursachen vnter den Menschen durch vnd auff  
 einander gehet / redet. Will männiglich lehren / daß in diesem Leben / we-  
 gen des vnzehllichen Jammers vnd Elends / damit es umbfangen / viel  
 klagens / seuffzens vnd weinens sey / vnd doch gleichwol bißweiln / nach  
 vielen Zähren vnd Threnen auch irgend eine fröliche Stunde sich erzeige /  
 welche Freude vnd lachen mitbringe.

Ja das weinen gehet leider vor dem lachen. Dann der weise  
 König nicht sagt / lachen hatt seine Zeit / weinen hatt seine Zeit : sondern  
 das Weinen setzet er vor / vnd das lachen hernach. Die Ursachen ligen  
 vor Augen : Dann nach dem allgemeinen trawrigen Fall vnserer ersten  
 Eltern nicht das lachen / sondern das Weinen vnserer erste stimm ist : wie

der